

四庫全書

子部

欽定四庫全書

子部

六藝之一錄卷三百四十六

詳校官中書臣陸湘

頁外郎臣牛稔文覆勘

總校官檢討臣何思鈞

校對官中書臣鮑之鍾

謄錄監生臣袁繼升

欽定四庫全書

六藝之一錄卷三百四十六

錢唐倪濤撰

歷朝書譜

宋

薛紹彭

薛紹彭恭敏公向子有翰墨名

宋史 兗州藁云累
官秘閣修撰知梓潼

漕路

薛紹彭以書畫情好相同嘗寄書云書畫間久不見

薛米余答以詩云世言米薛或薛米猶言弟兄與兄

弟

米芾
書史

近惟米家父子及薛紹彭留意筆札

癸辛
雜識

米元章薛紹彭黃長睿方知古法長睿書不逮惟紹

彭最佳

道園學
古錄

紹彭書作真行法皆自晉唐絕不作側筆惡態

石墨
鵝華

薛道祖三帖

書法自古至今皆有沿襲繇魏晉六朝隋唐以至於

宋其遺蹟可考而知惟米元章英資高識力欲追晉人絕軌同時如薛道祖是其同盟者也故能脫唐略

宋齊踪前古豈不偉哉孟頫

珊瑚網

前修謂道祖作字軒輊六朝有超妙入神之譽異考其法誠不虛矣此晴和二像隨事吟三帖予咸淳甲戌曾觀今獲觀於伯雨書室俯仰間二十有九年如天津橋上一見李白喜可知也大德壬寅清明日孫

壁金應桂題時年七十歲

同上

紹彭書世不多見如伯雨所藏三帖雖雜於六朝盛

唐人書中當無愧也居仁

同上

薛道祖帖

長安薛道祖與米元章劉巨濟為三友朝夕議論晉
唐雜蹟圖畫然其作字則各自成一家紹興中購薛
米書最急率以小璽印縫後御府刻米帖十卷而道
祖書不得入石容杭見道祖書一巨卷於駙馬都尉
楊公家精神峻整遂深疑紹興不入石之故問於子

昂子昂曰薛書誠美微有按模脫鑿之嫌余不能書而深識其語私嘗謂米襄陽書政如黃太史作書之變芒角刷掠求於匱韞川媚則後有矣學魯獨居之男子於道祖見之至治二年八月乙亥袁桷記

清容居士

集

薛道祖雲頂山詩卷

右薛紹彭書五紙薛氏三鳳名河東紹彭其後人也字道祖號翠微居士居長安符祐間以書名名竝米

芾今書史會要所載是也水村陸公得此卷特愛重
間出示余為識數語于後長沙李東陽式古堂書
畫彙攷

薛道祖真蹟

思陵稱北宋時唯米襄陽薛河東得晉人遺意虞道
園則謂黃長睿知古法書不逮所言紹彭最佳而世
遂不傳米氏父子舉世學其竒恠弊流金朝此卷多
寫其生平得意句結法內擲鋒藏不露而古意時溢
豪素間不作傾險浮急態內一詩絕似右軍幾令人

有張翼之歎然則予之幸不大勝於道園哉道祖襄陽同時人與劉涇俱好收古書畫翠微居士其號也

弇州山

人集

薛紹彭書

待訪錄有智永不全本千文一余昔於宋光祿見永師千文後有永師押字薛紹彭收藏印及是摹紹彭書乃趙令穰欲以王維雪山易智永千文語也今見

第三卷其昌

戲鴻堂
法帖

薛紹彭臨蘭亭叙

危素虞集二跋已見

黃伯思

黃伯思字長睿卽武人元符三年進士高第好古文
奇字洛下公卿家商周秦漢彝器款識研究字畫體
製恣能辨正是非道其本末遂以古文名家初淳化
中博求古法書命待詔王著續正法帖伯思病其乖
論麗雜作刊誤二卷篆隸正行草章草飛白至皆妙
絕得其尺牘者多藏弄以修書恩升朝列擢祕書省

校書郎遷秘書郎自號雲林子別字霄賓政和八年卒二子詔訥哀伯思平日議論題跋為東觀餘論三

卷

宋史

伯思云僕自弱齡喜篆法初得岱宗秦刻及朝那石章學之後得岐鼓壇山字及三代彝器文識又學之仰其高古惟是之師漢魏碑首印章亦時寓目下此者未嘗過而問焉

東觀餘論

黃伯思文辭雅健格高而思深詩俊逸清新追古作

者尤精小學凡字書討論備盡正行草隸皆精絕初
倣顏柳後乃規摹鍾王筆勢簡遠有魏晉風氣

梁漢集

張商英

張商英字天覺崇寧初拜尚書右僕射謚文忠

宋史

張丞相好草書一日得句索筆疾書滿紙龍蛇飛動
使姪錄之當波險處姪固然而止執所書問曰此何
字也丞相熟視久之曰胡不早問致予忘之

冷齋夜話

張商英法顏而自運為多

都穆寓意編

劉正夫

劉正夫字德初衢州西安人未冠入太學有聲為太常博士累拜中書侍郎政和六年擢拜特進謚文憲

宋史

劉正夫字德初三衢人也少有文行鄉里畏服及居太學俊名籍甚後登進士第知名四方既被召擢立朝蹇蹇有大臣節正夫平日喜書學多作行法好與人論字嘗謂字美觀則不古初見之則使人甚愛次

見之則得其不到古人處三見之則偏傍點畫不合古者歷歷在眼矣字不美觀者必古初見之則不甚愛再見之則見其到古人處三見之則偏傍點畫亦歷歷在眼矣故觀今之字如觀文繡觀古人書如觀鐘鼎學古人字期於必到若至妙處如會於道則無愧於古矣人以為知言然平生亦不泥於此亦不求人知所書字間有被旨承命為碑刻者以是傳於世者絕少晚年間作逸字獨藏於家官至少宰贈太師謚

文獻今御府所藏行書二 宣召記 泛舟題名宣

和

書譜

蔣之奇

蔣之奇字穎叔常州宜興人擢進士第英宗擢監察

御史徽宗立為翰林學士同知樞密院

宋史

堯峰蔣堂所居寺奉其香火蔣之奇壬子歲留題數

百字尚可辨

周必大吳郡諸山錄

蔣之奇有蘇黃法

弇州山人葉

韓駒

韓駒字子蒼仙井監人政和初賜進士出身宣和中

為中書舍人監修國史

宋史

韓子蒼書出坐位帖行草如此者宋人絕少即大家

自南華題名外亦不多

墨林快事

韓駒擅豪翰其蹟見羣玉堂法帖中

書史會要

蔡京

蔡京字元長興化仙遊人登熙寧三年進士第徽宗

時拜尚書左丞右僕射元祐羣臣貶竄略盡猶未愜
意命等其罪狀首以司馬光目曰姦黨刻石文德殿
門又自書為大碑徧頒郡國大觀中拜太師政和二
年封魯國公

宋史

太師蔡京字元長莆田人也早有時譽擢進士甲科
博通經史揮洒篇翰手不停輟美風姿器量宏遠喜
為文詞作詩敏妙然性尤嗜書有臨池之風初類沈
傳師久之得羲之筆意自名一家其字嚴而不拘逸

而不外規矩正書如冠劍大臣議於廟堂之上行書如貴胄公子意氣赫奕光彩射人大字冠絕古今鮮有儔匹本朝題榜不可勝計作龜山二字盤結莊重筆力道勁巍巍若巨鼇之載崑崙翩翩如大鵬之翻溟海識與不識見者莫不聳動斯亦一時之壯觀也大抵學者用筆有法自古秘之必口口親授非人不傳由唐以來學者相宗方造其妙至五季失其所傳遂有衰陋之氣京從兄襄深悟厥旨其書為本朝第一

而京獨神會心契得之於心應之於手可與方駕議者謂飄逸過之至於斷紙餘墨人爭寶焉喜寫紈扇得者不減王羲之之六角葵扇也其為世之所重如此所得惟行書為多今御府所藏七十有七 行書

御製詩並和 御製明節皇后傳 觀明節皇后像

詩 奉安明節皇后詩 劉貴妃制 劉賢妃制 劉淑

妃制 明達墓誌文 宣和殿召輔臣記 瓊蘭殿壁

山後記 瑶林殿雙竹後記 澄漪殿觀蓮記 玉宇

洞後記 延福宮題名記 題澄莊等詩 回溪泛舟
題名 留題棲雲軒 萬年橋題名記 萬歲山記
遊良嶽祝壽詩 遊良嶽詩 良嶽囃囃亭題記 題
絳霄樓詩 蕭閑館題名 擷芳園記 芳華館賞
花詩 定鼎記額 梅竹雪雁詩二 繁杏水禽詩
二 閱駿射序上下二 觀碑記 題甘露降詩
再降甘露記 錫宴書題二 對屬 題神霄宮詩
聽降題名 步虛詞 太清樂 玉扶步虛詞 大

仙留題詩 大仙詩曲 柳真人步虛詞 蓬萊仙

步虛詞 雪詩二 春宮詩二 魏將軍歌 飲中

八仙歌二 歌元豐 元豐行 騏馬行二 古柏

行二 丹青引三 送西京提刑詩二 送孔巢父

詩二 曹霸畫馬詩二 洗兵馬詩三 壺春堂觀

御題賞花詩 謝賜承平殿曲宴記表 宣和殿東

閣屏山後記 正書 千文

宣和書譜

魯公始同文正公受筆法於君謨既登第調錢塘尉

時東坡公適倅錢塘因相與學徐季海當是時神廟
喜治書故熙豐士大夫多尚徐會稽也未幾棄去學
沈傳師及元祐末又厭傳師而從歐陽率更由是字
勢豪健痛快沈著迨紹聖間天下號能書無出魯公
之右者其後又厭率更乃深法二王晚每歎右軍難
及而謂中令去父遠矣遂自成一法為海內所宗焉
又公在北門有執役親事官二人事公甚恪因各置
白團扇為公扇涼公心喜之皆為書少陵詩一聯而

二卒大愠見不數日忽衣戴新楚喜氣充溢以親王
持二萬錢取之笑願益此書公笑而不答親王者乃
即太上皇也後宣和初曲燕在保和殿上語及是顧
謂公昔二扇者朕今尚藏在御府也

鐵圍山
叢譚

元符末魯公自翰苑謫香火祠因東下無所歸止擬
將卜儀真以居焉徘徊久之因艤舟於亭下米元章
賀方回來見俄一惡客亦至且曰承旨書大字舉世
無兩然某私意若不過賴燈燭光影以成其大不然

安得運筆如椽者哉公哂曰當對子作之也二君亦喜俱曰願與觀公因命具飯磨墨適有張兩幅素者食竟左右傳呼舟中取公大筆來即覩一筭從簾下出筭有筆六七枝多有大如椽臂三人已愕然相視公乃徐徐調筆而操之顧謂客子欲何字耶惡客即拱而答某願作龜山字爾公乃大笑一揮而成莫不歎息及墨甫乾方將共取視方回獨先以兩手作勢如欲張圖狀忽長揖卷之而急趨出矣於是元章大

怒坐此二人相告絕者數歲而始講解廼刻石於龜
山寺中米老自書其側曰山陰賀鑄刻石也故魯公
大字自唐人以來至今獨為第一

同上

徽宗視淳化帖板已皴裂而王著一時標題多誤臨
摹或失真詔出墨蹟更定彙次訂其筆意仍俾蔡京

書籤及卷首刻石太清樓下

大觀帖
總釋

蔡京書元祐黨籍碑

詳見前

蔡京正書集賢趙公大觀神道碑

題跋
已見

蔡卞

蔡卞字元度京弟與京同年登科紹聖四年拜尚書

左丞徽宗時加觀文殿學士檢校少保謚文正

宋史

蔡卞字元度莆田人也少與其兄遊太學馳聲一時
同年及進士第王安石見而竒之妻以女使從已學
得安石學術議論為多自以王氏學擅一時時流歸
之自少喜學書初為顏行筆勢飄逸但圓熟未至故
圭角稍露其後自成一家亦長於大字厚重結密如

其為人初安石鎮金陵作精義堂記令卞書以進由是神考知其名自爾進用多文字職至晚年高位猶不倦書寫稍親厚者必自書簡牘筆墨亦稍變殊不類往時也然多喜作行書字今御府所藏行書六

進神驗記 清淨經 莊子刻意篇 杜甫驄馬行

千文二

宣和書譜

蔡卞靈巖寺疏

米南宮謂卞得筆此書圓健適美有兼人之力而時

以已意叅之盖有書筆無書學者要之不可以人廢

也

舟州山人藁

蔡卞書曹娥碑

題跋已見八十五卷

毛滂

毛滂字澤民崇寧初除刑定官後知秀州有東堂集

行於世

東坡詩註

東堂擅豪翰其蹟見羣玉堂法帖中

書史會要

王安中

王安中字履道中山陽曲人進士及第歷祕書省著作郎宣和元年拜尚書右丞徽宗嘗宴睿謨殿命安中賦詩百韻以紀其事詩成令大書於殿屏凡侍臣皆以副本賜之有初寮集七十六卷傳於世

宋史

初寮先生未冠時及拜東坡於中山筆精墨妙宜有傳授當政宣間禁切蘇學一涉近似旋坐廢錮而先生以奪胎換骨之手揮豪禁林初無疑者靖康以後黨禁已解玉珮瓊琚之辭怒猊渴驥之書盛行於東

南然後人人知其為蘇門顏閔也

平園集

王初寮書

法清俊

書史會要

曹評

曹評字公正韓王彬曾孫徽宗時平海軍節度使性喜文史書有楷法慈聖皇后命書屏以奉神宗賜玉

帶旌其能

宋史

趙令穰

趙令穰字大年宗室也游心經史戲弄翰墨尤工草

書嘗作小草如聚蚊蟲如撮鍼鐵筆道而法足觀之

使人目力茫然誠可喜也

書史
會要

林攄

林攄字彥振福州人徙蘇用蔭至勅令檢討官遷屯
田右司員外郎自大觀元年春至二年五月由朝散

大夫九遷至右光祿大夫

宋史

林攄書法大令

寓意
編

沈錫

沈錫字子昭真州揚子人崇寧初為講議司檢討拜

兵部侍郎以徽猷閣待制知江寧府歷知海泰汝宣

四州以通議大夫致仕

宋史

三峽橋陸子泉傍有沈

錫大書廬山二字

劉濤

劉濤字普公昌言之曾孫工詩及草書蘇軾嘗跋其書竒逸多才中有所得不能自已因以適性為樂耳徽廟召入禁中值大雪令草書雪詩因問卿字孰師對曰臣無師不稱旨而退晚年因躓讀書靈泉院自

號靈泉山人
泉州志

邵鰲

邵鰲字仲恭丹陽人官至直龍圖閣知蘇州工正行

字體清勁

書史會要

邵仲恭字秀有餘而老不足

姑溪集

邵仲恭從學於魯公京恭教仲恭學沈傳師遂自名家

鐵園山

叢談

邵鰲行書安民堂記與梁彥通碑

題跋已見

章棨

章棨字質夫建州浦城人試禮部第一擢知陳留縣
哲宗立為龍圖閣直學士徽宗時拜同知樞密院事

謚莊簡

宋史

張舜民撰游師雄墓誌仰餽書章棨篆蓋

王昇

王昇字逸老汴人草聖奇偉宣政間被召補右爵南
渡後寓居嘉禾羔羊里時上留神翰墨召對蒙眷官

至正使

至元嘉禾志

逸老殆欲欺凌懷素

洞天清錄

王逸老飲中八仙歌

朱巖堅跋逸老草書蘭亭禊序云逸少作行書逸老為草字外人那得知當家有風味逸老以草聖擅名其為名公稱道如許寓居戍邨是時先太師岐國公為監鎮與之往還日亦得其八仙歌此本改从九从日為查蓋長史素有此顛稱也羔羊居士乃其自號

聖采為所居之堂得柳軒豈亦其家和山隨侍時當
紹興十一二年間及識其人此卷書於庚午歲自言
年七十有五則知生於丙辰余生於丁巳後公六十
一年方識公時才五六歲嘉定此書則亦七十五矣
感今愴昔為之泣然

攻媿
集

凡藝始於學而卒於悟學而工不若悟之神此張旭
觀公孫大娘舞劍器遂進於草書也宋王逸老亦以
草書名世先人守中處士嘗藏二紙於家余少時尚

及見之後為好事者持去今張宗儒來京師以所書
杜少陵飲中八仙歌示余蓋尤豪宕有法真有旭之
悟者乎李白詩稱懷素飄風驟雨落花飛絮之態雖
非白作亦曲盡懷素之變余於逸老亦云

貝清江集

跋王逸老草書

宋太宗刻祕閣法帖晉魏書法後世猶得見之者以
其有此至大觀益精妙矣學書者始知上求古法於
後南渡解和即安思陵臨池之好尤篤一時內外大

小之臣聞風而起若王逸老草書殊有旭顛轉摺變態尤為內廷稱賞然是後飛雲之禍雖慘而志恢復者愈堅禁偽學者雖嚴而求性理者彌篤若逸老之書士大夫道之者絕少亦可念哉當是時吳興張謙仲亦高年篆法甚古隱於黃冠龜山先生嘗叙其所為書故其人名尤重焉

道園學古錄

周邦彥

周邦彥字美成錢塘人元豐初獻汴都賦召赴政事

堂徽宗時進徽猷閣待制能自度曲製樂府長短句

詞韻清蔚

宋史

美成正書行書皆善

書史會要

慎漢公

慎漢公甫八歲真靖陳尊師稱其喜學鍾王遺法以

神童目之

東觀餘論

徐琰

徐琰成都貢士工篆書宣和初嘗書劍南西川四大

字字身長五尺雄偉可喜

書史會要

滕中

滕中善草書

米芾書史

滕中字元直以蔭補將作監主

簿歷官承議郎知解州長於詩

姑蘇志

常安民

常安民長安人以鐫字為業多收隋唐銘誌墨本亦能篆崇寧初蔡京蔡卞為元祐黨籍刻石文德門又立於天下州廳長安府召安民安民辭曰乞不刻安

民鑄字於碑恐後世并以為罪

卻氏聞見錄

湯正臣

湯正臣長沙人秦子明為長沙副將買石令湯正臣父子重摹僧寶月所翻閣本法帖世所稱潭帖者載

歸壁之黔江紹興聖院

山谷集

楊邦乂

楊邦乂字晞稷吉州吉水人博通古今登進士第知

溧陽縣謚忠襄

宋史

楊晞稷工書札其蹟見鳳墅續法帖中

書史
會要

滕茂實

滕茂實字秀穎杭州臨安人政和八年進士靖康元年以工部員外郎假工部侍郎出使被留以憂憤卒

宋史

滕秀穎善篆

書史
會要

曹輔

曹輔字載德南劍州人第進士政和中祕書省正字

靖康中簽書樞密院事

宋史

林彥祥盧鴻草堂圖十志詩其五靜常居士曹輔書

雲烟過
眼錄

唐重

唐重字聖任眉州眉山人大觀三年徽宗親策士授

蜀州司理參軍歷吏部員外郎起居舍人知同州擢

天章閣待制以天章閣學士知京兆府兼京兆府經

略制置使謚恭愍

宋史

顏魯公奉使蔡州書有題於書之上者知同州唐重書

趙子畫

趙子畫字叔問燕王五世孫少警敏強記工書翰宣和初充詳定九域圖志編修官試太常少卿遷徽猷

閣直學士

宋史

崔鷗

崔鷗字德符陽翟人登進士第調鳳州司戶參軍宣

和六年為殿中侍御史欽宗即位授右正言

宋史

德符詩名一代書瘦健有神采亦類其詩

渭南集

蒲雲

蒲雲漢州綿竹人也幼有方外之趣布裘筇杖游山野間賣藥得錢入酒家醺然一醉類有道之士尤甚翰墨作正書甚古嘗以雙鉤字寫河上公注道德經筆墨清細若游絲縈漢孤烟裊風連綿不斷或一筆而為數字分布勻穩風味有餘覽之令人有凌虛之

志大抵書法自科斗一散學者紛紛於是有垂露偃
波芝英倒薤之說各工其習以文其一家之學亦宜
在所錄也今御府所藏正書二 雙鉤道經 雙鉤

德經

宣和
書譜

陳昱

陳昱官至寺丞少好學嘗於父伯修枕屏效米芾筆跡
書杜甫詩一日芾過伯修見而驚焉因授以作字提

筆法

書史
會要

張察

張察字通之成都人嘗帥鼎州以篆名今成都題榜

徃徃察之筆也

書史會要

程嗣昌

程嗣昌字儒臣中山博野人少喜學書自謂獨得古人用筆之妙嘗評近代能書者曰蘇才翁筆勢遲怯蔡君謨但能模學前人點畫及能草字而已周子發書妙出前輩至於草書殊未得自悟之意古人自悟

者惟張旭與余而已

書史會要

崔洪

崔洪

鄂令

李駒終南山雜詠崔洪書之於崇寧間者洪

以風塵下吏一旦執筆遂足為詩人之重字之不可

已如此

墨林快事

喻陟

喻陟字明仲睦州人持節數部政績藹著雅善散隸尤妙長笛每行按至山水佳處馬上臨風快作數弄

殊風流蕭散也

朱勝非秀水間居錄

蔡子因

蔡子因書俊氣飄逸不受富貴鞫勒宜從古人中求

石門文

字禪

袁液

液字仙夫貴戚子姓而好學趣尚不凡工書

東觀

餘論

張熹

熹字子昭鄱陽人雅善法書

東觀餘論

鮑慎由

鮑慎由官宣德郎能行書

宋帝書史

劉瑗

劉瑗官武勝留後能隸書

米芾書史

趙震

趙震官宣德即能篆書

米芾書史

趙仲忽

趙仲忽宗室也能草書

米芾書史

吳峴

吳峴江南人大隸題榜有古意

海岳名言

杜庭之

善書蘇軾云杜庭之書世所貴重

以下俱見書史會要

葛珣

字叔寶紹聖間長於草書

杜介

善草書清爽圓媚誠竒絕也

陳恬

為祕書省校書郎後棄官去隱嵩華間能書

安宜之 長安人工楷書 京兆府新移石經記宜之

正書

于琮 毘陵人善隸書學魏受禪表深得其行筆意
王植 政和間任昌州刺史能篆

趙士暎 字明發宗室也少好學喜為文書師米芾
王仲凝 字豐父官通議大夫有風采善詞翰

許采 字師正吳興人字畫規模鍾繇殆窺其妙

吳師孟 字醇翁知夔州善書

趙竦 字子立官水曹文翰皆重於前輩

柳淇 學書中興頌筆力雖未絕勁而間架已方嚴矣

鄭謀 字本然草書有晉先之遺則

王俟 箕山人靖康中嘗書山陰蘭亭扁有法

閻蒼舒 正書雄健而有楷則扁榜尤工

韓璠 字景文開封人獻肅公絳孫風采瓌潤字畫道

媼

徐滋 字元象吳興人從張有習篆得其法

宋杞 字子和吳興人張有高第弟子於篆極精

杜仲微 作隸書用秃筆自謂得漢隸遺法

林伯修 莆田人善大字

陳歸聖 官至祕書丞能篆書尤工徑丈大字

王伯忠 近臣也善行書

蔡玠 官至尚書郎善行書

翟靜叔 能草書筆札駸駸逼古人

何籀 信安人以隸書知名

丁晞顏 字令子 書畫皆精 雲烟過眼錄

徐易 海州人 能篆隸為御書院藝學 書史會要

丁德隅 晉公謂之孫工篆書 姑蘇志

陳休 政和間人 其書猶有唐人之遺 墨林快事

林彥祥 臨伯時 盧鴻草堂圖而自書其首書 丰度意

趣有神遊八極氣象 雲煙過眼錄下同

林思心 盧鴻草堂圖十志詩 暮翠庭歌 林思心書

孫琰 盧鴻草堂圖十志詩 倒景臺歌 孫琰書

石昭問 盧鴻草堂圖十志詩 桃烟庭歌 石昭問書

胡份 盧鴻草堂圖十志詩其六 胡份書

任詎 字才仲 洛陽人 官澧州通判 小字隸書 古勁學

中郎

畫繼

劉松老 字榮祖 書學米元章

以下俱見畫繼

王逸民 永康導江人 學山谷草書

高燾 字公垂 沔州人 篆隸飛白皆造妙

王持 字正叔 長安人 顏魯公鹿脯帖後有題跋 妙於

筆法

李覺 字民先京師人能書嘗為明節皇后閣掌牋

吳元瑜

書學薛稷

鐵圍山叢譚

王希 全州湘山塔石龜記王希書

以下俱見前石刻

廖正一 新城普向院多寶佛塔記廖正一書

蘇定武 柳柳州曹溪大鑿禪師碑蘇定武書

宋傅 真武經元符二年宋傅書

周沔 金陵雜咏黃履詩周沔書

劉元成 王巖叟撰韓魏公祠堂記劉元成書

孫道 初賜崇寧禪寺碑孫道書

王道 竹林寺羅漢洞記王道書

王古 茅山崇禧觀碑銘王古書

趙岍 移建本命殿碑趙岍文并書

宋復 唐圓測法師塔銘宋復撰并書

范致冲 孔子祠有范致冲題名

錢伯言 天書觀有錢伯言題名

六藝之一錄卷三百四十六

欽定四庫全書

六藝之一錄卷三百四十七

錢唐倪濤撰

歷朝書譜

宋

汪藻

汪藻字彥章饒州德興人中進士第調婺州觀察推官徽宗親製君臣慶會閣詩羣臣皆賡進惟藻和篇衆莫能及除九域圖志所編修官欽宗即位召為屯

田員外郎遷起居舍人高宗踐阼召試中書舍人遷

兵部侍郎拜翰林學士帝以所御白團扇親書紫誥

仍兼綰黃麻似六經十字以賜縉紳豔之紹興二年

除龍圖閣直學士升顯謨閣學士

宋史

浮溪工大小篆得李斯陽冰用筆意

孫觀瀉慶集

學士院中有榜曰摘文堂徽宗御書賜強承旨淵明

今乃汪彥章內翰藻所篆

周必大玉堂雜記

張皞

張暲字巨山襄陽人宣和三年上舍選中第紹興五年召對除祕書省正字十年擢中書舍人除敷文閣

待制

宋史

朱文公跋張巨山帖云近世之為詞章字畫者爭出新奇以投世俗求其蕭散澹然絕塵如張公者殆絕

無而僅有

朱子文集

尹焞

尹焞字彥明一字德充洛人靖康初召至京師不欲

留賜號和靖處士紹興四年授左宣教郎充崇政殿

說書八年權禮部侍郎兼侍講

宋史

和靖先生帖得之祈君之子真卿淳熙庚子刻之白

鹿洞書院

朱子別傳

尹和靖書歐陽文忠公三志

河南尹君來自臨川出示其大父和靜先生遺象及手書歐陽文忠所作三志仰瞻伏讀不勝敬嘆既撫其象以藏於家尹君又俾記於誌文之後熹惟尹氏

世德之盛既得歐陽公之文以發揮之而和靖手書
唯謹是亦足以傳世矣孤愚晚學何敢僭易輒贊一
辭顧其請不已乃別書幅紙以附于卷尾云紹熙壬

子十月二十五日新安朱某記

朱子文集

跋尹和靖帖

國朝崇重儒學然自布衣聘召者特為難得故侍講
侍郎尹公著作崇道王公皆伊川先生高弟又皆用
布衣特召師友輝映縉紳榮之維尹公致位通顯德

望表表而王公立誠為已仕不求進故知之者希然
不可以是判優劣也今觀尹公所遺王公尺牘一話
一言必以尊所聞務講學相期責善之誠如此則王
公之為人可知已蓋嘗以為國家之患常由人心之
偏詖而邪說暴行之肆熙豐符紹所以基靖康之禍
也惟儒者則有正人心息邪說距詖行放淫辭之功
焉紹興初年懲創前轍隆儒勸學人主特有意焉尹
公以經學納誨所以格君心者微矣王公討論史觀

破紹聖元符誣謗之讒慝明宣仁泰陵慈孝之本心
其功亦不細凡此皆正人心之偉節也用又厥辟紹
開中興豈偶然哉然格心之道難明而遜志之言易
乎此世道消長所以相推而不已也厥後權姦秉國
蠱上志賊人心天下泄泄斯道幾墜幸賴乾道淳熙
諸公相與扶持考其師友淵源則出於河南之門者
為多信乎功不在禹下也先文定嘗獲講習於著作
君其曾孫仲可出示尹公帖於是三復有感而書其

後帖中所謂時紫芝者善歷學先文定嘗薦之謂其
學問淹貫推究詳密及陳齊之名長方亦先友也寶

祐歲在鶉尾小滿日玉山汪慤書

式古堂書
畫彙考

程俱

程俱字致道衢州開化人宣和二年進頌賜上舍出

身除禮部郎建炎中為太常少卿知秀州罷久之除

徽猷閣待制為文典雅闕與為世所稱宋史 朝奉郎

賀公墓志程俱撰并書

張九成

張九成字子韶其先開封人徙居錢塘紹興二年策
進士擢實首選累官刑部侍郎謫居南安軍起知溫
州寶慶初特贈太師封崇國公謚文忠

宋史

橫浦先生舊自號無垢居士無垢之號聞天下先生
著述天下固有關違獨簡帖字畫得者稀少先生筆
下如三峽倒流遇順傾瀉凡見之真草橫斜曲直有
張草聖之筆刊之琬琰燦然可觀如龍蛇之奮蟄如

珠之走盤亦足以增人意氣書心畫也豈執筆學古
人手法而後能之

橫浦
家傳

張無垢帖

世未有言無垢先生善作字者而筆勢如此令人起
敬嗚呼豈但字畫哉予嘗聞呂伯恭父云某從無垢
學最久見知愛最深至今亡矣念無以報獨時時戒
學者無徒誦世所行論語解以為無垢之學盡在是
也始予疑伯恭父有為言之也今見求仁先大夫與往

還書說論語事甚悉蓋雍也以前無垢已恨早出餘
所著未嘗示人無垢無多著書而論語解要非成書
學者但尊信之以此窺見無垢宜伯恭云爾也則世
之知無垢者何如哉予少時方省事無垢來為郡守
聞見鄉人父老數百人以淫雨害稼訴郡無垢若不
省然俄而馭足來索狀而數百人者皆以不滿解去
狀亦不知安在矣至旦日還鄉下自城以南達瑞安
凡閘者堰者皆已決捕魚蟹簞筍凡可以梗水者亦

已徹去不數日水落是歲大熟無垢永嘉之政初非
赫然有聲也而敏事若此則世之不知無垢者不但
其問學也無垢擯斥流落道不為世用以死其不為
人知者何可勝道余因求仁先大夫說論語事且有
助於永嘉之政故并著之

止齋集

張橫浦書黃庭經

張九成小字黃庭經全法逸少

書畫舫

張守

張守字子固常州晉陵人登崇寧元年進士第中詞學兼茂科除詳定九域志編修官建炎中參知政事

謚文靖

宋史

張守字畫圓熟流美世不多見

書史會要

李彌遜

李彌遜字似之蘇州吳縣人弱冠登大觀三年第政和四年遷校書郎高宗時試戶部侍郎以徽猷閣直學士知漳州與趙鼎王庶曾開同沮和議

宋史

李公侍郎字畫端勁

朱子文集

薛尚功

薛尚功字用敏錢塘人官至僉書定江軍節度判官

廳事善古篆尤好鍾鼎書有鍾鼎彝器款識二十卷

及鐘鼎篆韻七卷行於世

書史會要

薛用敏摹鐘鼎彝器款識

集金石錄者多矣尚功所編尤為精詣况其墨蹟乎

予舊於山陰錢德平家屢閱之誠竒書也至正元年

十二月甲子鑒書博士柯九思書於吳氏遜學齋

珊

網

錢塘薛尚功摹集三代彝鼎款識文凡廿弓較其器
之墨蹟筆精墨妙過之又其討論有出於博古考古
諸書之外前輩博雅精詣如此彼困而不學竊好古
之名自比於米顛者得不有愧方外張天雨老學齋

觀

同上

予讀薛尚功集古金石文常嘆其博及見謝長源所

收薛尚功寫本乃知金石刻僅得其半而寫本字畫
為精夫學至於博而精豈特論藝文而已至正元年
後五月二十二日靈武翰玉倫徒克莊在武林驛書

同上

楊无咎

楊无咎字補之號逃禅老人又號清夷長者清江人
後寓豫章高宗朝以不直秦檜累徵不起書學率更
小變其體江西碑碣多无咎書小字尤清勁可愛嘗

自題所藏邕禪師塔銘後云予於率更為入室上足

書史
會要

李綱

李綱字伯紀卽武人自其祖始居無錫綱登政和二

年進士第高宗即位拜尚書右僕射兼中書侍郎宋史

李綱工筆札其蹟見鳳墅續法帖中書史會要

李伯紀近被詔書帖行書紙本式古堂書畫彙考

李光

李光字泰發越州上虞人登崇寧五年進士第高宗

即位擢祕書少監紹興中除資政殿學士謚莊簡

宋史

項方伯家有李泰法帖後人跋其帖見有光字遂以

為司馬公筆

寓意編

翟汝文

翟汝文字公巽潤州丹陽人登進士第擢議禮局編修

官名對徽宗嘉之除祕書郎紹興元年叅知政事風

度翹楚好古博雅精於篆籀

宋史

翟耆年

翟耆年

汝文子

工篆及八分

書史會要

翟耆年字伯壽好

古博文撰籀史二卷

無錫志

葉夢得

葉夢得字少蘊蘇州吳縣人紹聖四年登進士第高

宗時為尚書左丞

宋史

葉夢得行書法大令宛然名家

寓意編

胡安國

胡安國字康侯建寧崇安人中紹聖四年進士第哲

宗親擢為第三紹興中進寶文閣學士謚文定

宋史

劉子翬觀胡文定公手墨詩云温温文定公至道夙

所欽不事八法竒天成寫幽襟有如瀚海鴻隨波自

浮沈又如太虛雲舒卷杳莫尋

屏山集

跋胡康侯帖

浙間人家家有春秋傳而罕見公字畫余記為兒時

從鄉先生學同學數十兒兒各授程易胡春秋范唐

鑑一本是時三書所在未鋟版徃徃多手抄誦也晚
官湖湘間每過士大夫家輒見公遺帖皆甚貴惜然
為春秋學者顧少如浙間何哉因見向氏所藏帖書

以勉之

止齋集

胡寅

胡寅字明仲安國弟之子中宣和進士甲科紹興中
為徽猷閣直學士

宋史

七里灘壁間有胡明仲題字

刻石

見朱子文集

胡宏

胡宏字仁仲號五峰安國子以蔭補承務郎

宋史

胡文定與明仲仁仲皆工筆札其蹟見鳳墅續法帖

中書

史會要

胡世將

胡世將字承公常州晉陵人宿之曾孫登崇寧五年進士第為監察御史除徽猷閣待制禮部侍郎紹興九年為寶文閣直學士宣撫川陝十一年以資政殿

學士致仕

宋史

世將集古今石刻名曰資古錄所書鐵柱銘刻於延

真宮邦人習書多取為楷則

書史會要

沈與求

沈與求字必先湖州德清人登政和五年進士第累

官知樞密院事謚忠敏

宋史

宋賢遺墨有沈與求帖

奔州山

人彙

沈必先高秋氣爽帖行書

式古堂書畫彙考

張綱

張綱字彥正丹陽人以上舍及第五中首選高宗時

以資政殿學士知婺州謚莊簡

宋史

宋賢遺墨有張

綱帖

弇州山人藁

張彥正乞授封號帖行楷書

式古堂書畫彙考

陳與義

陳與義字去非洛人登政和三年上舍甲科高宗南

遷召為兵部員外郎紹興中資政殿學士

宋史

簡齋工毫翰其蹟見羣玉堂法帖中

書史
會要

宋刻陳簡齋集是公自書上木醇古豐圓出自黃庭

墨林
快事

跋陳簡齋帖

紹興乙亥歲某初仕王畿陳公之子本之為郎為監
家藏手澤甚富每休務輒求觀竟日今踰三十年本
之之子仁和宰復示此軸前輩翰墨愈久則愈可敬
而本之墓木已拱矣又可嘆也淳熙丙午二月十三

日平園
集

陳簡齋詩蹟

史稱簡齋河目海口大耳聳峙其出處氣節翰墨文章為中興大臣之冠蓋匪直詩名出后山之右已耳
雨舟寶峴樓所蓄名賢遺墨甚富此固其甲乙品云
元嗣漢齡其永寶之嘉靖二十七年中秋日石川張

寰

式古堂書
畫彙考

陳簡齋法帖奏藁

平園題跋已見

權邦彥

權邦彥字朝美河間人登崇寧四年太學上舍第調
滄州教授入為國子司業宣和二年使遼建炎元年
除寶文閣直學士紹興元年為兵部尚書端明殿學

士簽書樞密院事

宋史

權邦彥草書龍蛇飛動得顛張醉素之遺意

平園集

蔣燦

蔣燦字宣卿常州宜興人崇寧五年為蘭溪縣主簿

累官至敷文閣待制贈正議大夫善書得古人用筆
意大者徑尺小者如蠅頭恠竒瑋麗獨步一時凡今

仙宮佛廬穹堂奧殿層樓崇榭得公書榜以為壯觀

孫覲南蘭
陵尚書集

益王神道碑及東坡墨妙亭記俱蔣燦書

孫時

孫時字季中常州晉陵人以文學行義為一州之望
字畫道麗為一州之望有楷法得歐虞用筆意雖片

紙尺牘屬藁記未嘗草書一字政和三年試上舍授
出身賜將仕郎應天府姑孰縣主簿再徙定陶授宣

教郎致仕

南蘭陵
尚書集

岳飛

岳飛字鵬舉相州湯陰人累官湖北路荆湘潭州制

置使進封武昌郡開國公加檢校少保樞密副使叅

知政事淳熙六年謚武穆嘉定四年追封鄂王

宋史

金沙寺有岳飛已酉歲留題刻石詞甚壯

周必大
汎舟錄

岳武穆請糧手跡小楷精妙絕類顏魯公

謝肇淛居東集雜纂

跋岳武穆蹟

武寧湯盤藏其先世文林君軍中文書岳武穆王紹興元年所署也文林始以太學生上書論備禦之策崎嶇兵間以功致文林之命觀此牒知文林倡忠義擊叛潰保鄉里甚直而壯噫可以見其人心之一士氣之盛而其將又有若武穆者宜其足立國於摧敗危亡之餘也盤言武穆之死文林上書論列遂并受

害文丞相嘗題其家之堂曰忠節遺墨故在而張循
王劉太尉所署別為卷俯仰二百年而感慨係之矣
近年集在館中將纂修遼金宋史館中以遺書亡軼
為說若此者可徵尚多乎哉

道園學
古錄

跋岳武穆帖

王之討楊么也過師吾里留題東松菴壁上老墨飛
動忠義之氣凜然所謂因邀後軍王團練者蓋後來
告變之王貴號王雕兒者也天兵濯征偏裨之在行

者多矣獨邀斯人者飯其愛之必異之餘子孰謂其
報知已一至此極哉司馬文正公之邢恕王荆公之
呂惠卿世固不少而逢蒙殺羿孟軻氏顧舍蒙而羿
之責又何也淳祐九年六月朔敬觀於廬山郡圃之

愛蓮堂附此歎息

方岳秋
崖小篆

岳珂

岳珂飛孫敷文閣待制霖子為籲天辨誣集五卷天

定錄二卷

宋史

唐人摹王方慶萬歲通天進帖卷後有倦翁岳珂書

停雲
館帖

韓世忠

韓世忠字良臣延安人年十八以敢勇應募勇冠三軍建炎中帝手書義勇二字揭旗以賜焦山寺捷聞為中興武功第一進太保封英國公孝宗朝追封蘄

王謚忠武

宋史

韓世忠書法蘇長公逼真

寓意編

曲端

曲端字正甫鎮戎人警敏知書善屬文長於兵略歷秦鳳路隊將涇原路通安砦兵馬監押建炎中官宣

州觀察使謚壯愍

宋史

曲端善屬文作字奇偉

書史會要

吳玠

吳玠字晉卿德順軍隴干人少沉毅有志節知兵善騎射讀書能通大義建炎二年知懷德軍累遷四川

宣撫使謚武安追封涪王

宋史

吳玠能書今閩中錦屏山壁間有其書奇偉可愛

老學

卷筆
記

潘良貴

潘良貴字子賤婺州金華人以上舍釋褐為辟雍博士遷祕書郎靖康元年召對高宗即位為左司諫除徽猷閣待制諫疏多焚藁雜著十五卷新安朱熹為

之序

宋史

濯纓堂扁默成先生潘良貴書字徑尺許清勁有法

金華

游錄

潘時

潘時字德鄰生穎悟叔中書公良貴愛而收教之任
為登仕郎進直顯謨閣累官中大夫金華縣開國男

少喜學書得歐顏楷法勁挺嚴密如其為人

朱子文集

陳東

陳東字少陽鎮江丹陽人個倣負氣不戚戚於貧賤

以貢入太學高宗即位上書乞留李綱而罷黃潛善

汪伯彥及卒追贈承事郎紹興四年加朝奉祕閣修

撰

宋史

祝枝山刻陳少陽書草於鎮江郡庠其書言三事所

刻乃其藁草也

紫桃軒
又綴

朱松

朱松字喬年徽州婺源人中進士第胡世將謝克家
薦之除祕書省正字趙鼎都督川陝荆襄招松為屬

辭除司勳吏部郎秦檜決策議和松上章極言其不

可出知饒州

宋史

先君少好學荆公書家藏遺墨數紙偽作者率能辨

之臨寫荆公本恐後數十年未必有能辨之者

朱子文集

劉子翬

劉子翬字彥冲以父任授承務郎通判興化軍辭歸

武夷山學者稱屏山先生

宋史

屏山工筆札其蹟見鳳墅續法帖中

書史會要

張孝祥

張孝祥字安國歷陽烏江人紹興二十四年廷試第

一以顯謨閣直學士致仕文章過人尤工翰墨嘗親

書奏劄高宗見之曰必將名世

宋史

張安國書真而

放

楊萬里
誠齋集

張于湖知京口王宣子代之多景樓落成于湖為大

書樓扁公帑送銀二百兩為潤筆于湖却之

癸辛
雜識

張安國草書

安國此字尤為清勁如枯松折竹架雪凌霜超然自
放於筆墨之外雖醉中亦不怠般若豈箇中自有一
種習氣略無間斷又此觀音心咒而曰釋迦其示不
二門安國得之深矣

松隱集

跋張安國帖

安國天資敏妙文章政事皆過人遠甚其作字皆得
古人用筆意使其老壽更加學力當益竒偉建陽張
大夫珍藏此紙間以視予展玩恍然如接譚笑書其

後而歸之慶元己未三月八日

朱子文集

張于湖真蹟

張于湖有英姿竒氣著之湖湘間未為不遇洞庭所賦在集中最為傑特方其吸江酌斗賓客萬象時詎知世間有紫微青瑣哉余客唐安湖上計孟甫袖以見訪是日八月既望後此者蓋四十有七年矣撫卷

太息書而歸之

鶴山集

吳說

吳說字傅朋號練塘錢塘人官至知信州

紹興以來雜書遊絲書惟錢塘吳說

翰墨志

北山九里松牌吳說書高宗詣天竺親御宸翰徹去
吳說書未幾守信州陞辭高宗因與語云九里松乃
卿書乎朕嘗作此三次觀之終不如卿朝退令再揭
元牌遍索之得於天竺庫院復令植道旁

行都紀事

席大光以母碑銘屈吳傅朋書之大光立於碑側不
數字必請傅朋憇偃終日傅朋病之至夜分潛起秉

燭而書大光聞之起立以文房玩好之物盡歸之預

儲六十緡潤豪

貴耳錄

杭之北闕接待寺寺額乃吳傅朋書勅賜妙行之院

初扁甚小其後展而大之右廡有古觀音殿亦傅朋

書極佳

祭辛雜識

練塘深入黃太史之室時作鍾體

洞天清錄

吳傅朋游絲書

錢塘吳傅朋游絲字前無古人黃給事仲乘鈞嘗稱

蜀士仲明舉詩云春吞一縷來不斷石鈞筆力歸毫

芒佳句也然未若參漢濱先生王公瞻叔之詩為工
伯父揚州嘗得二紙於吳公從子深求書王公之詩

於後

攻媿集

吳傅朋帖

王逢原遺腹女是生吳傅朋書法固有自來此帖往
復殆小乘僧之流非高蹈大方者也不倚文字外人
乃能寶之於百五十年之後豈徒玩其筆墨之精世
之人以殺為戲以業為果觀傅朋此帖井榮之良砥

者歟

任士林松
鄉文集

吳傅朋書

予幼過豫章見滕王閣扁吳傅朋公所題也裴回顧
瞻歎其深穩端潤非近時怒張筋脉屈折生柴之態
後聞宋阜陵欲易其九里松題至十數御筆墨而卒
不能及因使塗字以金而署之當時固善人君之服
善無我而亦深知吳公之書之真不可及也大抵宋
人書自蔡君謨以上猶有前代意其後坡谷出遂風

靡從之而魏晉之法盡矣米元章薛紹彭黃長睿諸公方知古法而長睿所書不逮所言紹彭最佳而世遂不傳米氏父子書最盛行舉世學其奇恠不惟江南為然金朝有用其法者亦以善書得名而流弊南方特盛遂有于湖之險至於即之之惡謬極矣至元初士大夫多學顏書雖刻鵠不成尚可類鶩而宋末知張之謬者乃多尚歐率更書纖弱僅如編葦亦氣運使然耶自吳興趙公子昂出學書者始知以晉名

書然吾父執姚先生曰此吳興也而謂之晉可乎此
言蓋深得之予比過吳越見傅朋書最多皆隨分贊
歎且圖來者守正法云耳此卷又以李唐山水繼之
亦好事者蓋書畫同一法耳後來畫者略無用筆故
不足觀此書乃直如書字正得古象形之意甚為可
嘉然所作隸書乃殊不知而作大可怪也然當時有
臨江蕭大山政作此體時甚貴之非此人之罪也因
劉掾執筆求題為坐客言如此悉書之云

道園學
古錄

吳傳朋書九歌

昔人稱吳傳朋說真書為宋朝第一今觀九歌應規入矩深得蘭亭洛神遺意高宗洞精書法至為閣筆數賞不虛也左方有馬和之侍郎圖此必當時有李伯時畫九歌米元章作書而二公復倣之耳伯時書乃全用鍾法宣和譜謂追蹤魏晉今始見之當與米元章並傳者宋之小楷名家盡此矣

畫禪室
隨筆

吳傳朋書千字文

題跋
已見

蘇庠

蘇庠丹陽人紳之後頌之族少能詩蘇軾見其清江
曲大愛之由是知名徐俯薦其賢上特召之固辭

宋史

跋蘇養直帖

後湖居士歌詩清腴蓋江西之派別而字畫健逸又
老坡之苗裔也吾宗德友丈寶其遺墨殆且百紙可
謂富矣僕生也後不及從居士游今以德友數十年
染指之勤一旦得大嚼焉正使親見揚子雲所獲未

必如是之富也欣玩彌日拱揖不暇姑識歲月而歸
之紹興戊寅十二月既望

平園集

跋周德友所藏養直帖

李將軍之霸陵見呵於醉尉陳拾遺居射洪畢命於
暴宰吏之能辱人也如此澹臺子羽不至言游之室
閔仲叔以口腹累安邑委而去之士之重所就也如
此後湖蘇公隱丹徒五名不起其於世何如也周君
德友親主縣簿願從之游文書往來委曲如瓊求諸

古人未易一二也夫見松而知栢問蘭而識蕙臭味
不殊耳僕從德友丈游尚未款觀後湖之所稱道令
人意傾也紹興庚辰人日建安徐詡書

珊瑚網

後湖先生仙去已久殘章墜藁不為六丁取去流落
世間者尚或有之未有若吾德友所藏如是之多也
先生少不就舉老不就徵蓋神仙中人非世之所能
羈紲者故語帶烟霞嚼松風非食烟火人所能到此
尤可寶也見德友說未經散亡時其家所得詞與詩

與尺牘堆案盈箱遷徙十七八九則不為世之所見
何以寶而藏之者又不可勝記也伏讀欽嘆久之紹

興庚辰汝陰李壽臣書

鐵網
珊瑚

米元章在儀真時謁貴人於舟中見右軍王略帖求
以他畫易之貴人不可元章因大呼據舳欲墜貴人
大驚遂以與之後湖先生高風素節照映天壤字畫高
妙奕奕有晉人風氣先生下世二十餘年矣文章翰
墨散落士大夫家獨松巒居士所得尺牘甚富筆勢

俯仰如見其與之抵掌談笑也歎愛之餘且祝松巒
謹藏之有好竒如米老者松巒得無情也和宋黻題

式古堂書
畫彙考

後湖先生於吾家契好最舊僕晚生不及見之也臨
終之歲為叔父中黃翁語羅浮異事知其超然玄悟
不隨化俱盡矣今德友顧尚刻舟求劍何邪然德友
負其所養不少見於世獨置力於斯文真能不負所
知哉乾道丙戌除日借觀于上饒祥符僧舍眉山蘇

嶠

同上

後湖先生以清江曲見賞於東坡今觀此詩帖蓋有
得於東坡者東坡嘗謂延州來季子張子房皆不死
嶺南之人亦言東坡不死後湖真不死矣德友久從
之游恬於仕進其文氣老而益健有以夫乾道戊子
冬至後二日莆田陳稚書

同上

朱敦儒

朱敦儒字希真河南人紹興二年賜進士出身歷秘

書省正字兼兵部郎官工詩及樂府婉麗清暢除鴻

臚少卿

宋史

朱巖壑書橫斜顛倒幾若楊少師

書法
鈎立

鳳凰臺攬輝亭朱希真隸書

陸游金陵記

朱希真書樂毅報燕王書

余嘗恨右軍不寫此書而寫夏侯之論今觀玉山汪

李路所藏伊水老人手筆老人得無亦有余之恨乎

李路將刻之石以貽永久余知有志之士當復有廢

書而泣者矣淳熙壬寅十二月庚申新安朱某書

晦菴

跋題

朱希真小楷道德經

巖壑老人小楷道德經二篇精妙醇古近世楷法如
陳碧虛之相鶴黃長睿之黃庭皆所不及唯湍石喻
公之典引諸書為可方駕耳季路得之遠以相示恨
目已昏盲不能盡見其妙處把玩不足因記其後而
歸之季路能攻石傳刻以與好事者共之即大幸蓋

此書難得善本讀此數章似少訛謬又為可傳也慶

元丁巳十月庚辰雲臺子私記

晦菴
題跋

喻樗

喻樗字子才其先南昌人後徙嚴中建炎三年進士
第趙鼎都督川陝荆襄辟樗為屬紹興初授秘書省

正字轉工部員外郎出知蘄州

宋史

跋喻湍石所書相鶴經

舊藏碧虛子相鶴經石本意頗愛之今觀湍石喻公

所書法度謹嚴而意象蕭散知彼為法縛矣

晦菴題跋

跋喻子才遺墨

喻公子才邃於經學敏於詞藝紹興初館閣多俊傑
視題名可考也乾道壬辰予自小宗伯奉祠過無錫
子才老矣用兩夫肩輿廷勞於途議論灑灑使人聽
之忘倦其謂自天子至庶人皆有朋友三代而上每
措之父子兄弟之間後世此道殊廢予至今紳書之
汪季路其外孫也出視公遺墨因題其後

益公題跋

跋朱喻二公法帖

學書莫盛於唐然人各以其所長自見而漢魏之楷
法遂廢入本朝來名勝相傳亦不過以唐人為法至
於黃米而歆傾側媚狂怪怒張之勢極矣近歲朱鴻
臚喻工部者出乃能超然遠覽追迹元常於千載之
上斯已竒矣故嘗集其墨刻以為此卷而尤以樂毅
書相鶴經為絕倫不知鑒賞之士以為何如也

晦卷
題跋

向子諲

向子諲字伯恭臨江人敏中玄孫元符三年恩補承奉郎紹興中徽猷閣直學士退閒十五年號所居曰

薌林

宋史

薌林書蹟傳世人多寶之

書史會要

靈壁卧石上有刻字并小詩皆向薌林伯恭書

雲烟過眼

錄

徐兢

徐兢字明叔歐寧人宣和六年高麗入貢請於朝願

得能書者至國中帝遣路允迪報聘以兢為國信所
提轄官撰高麗圖經四十卷上之帝覽其書大悅召
對便殿賜同進士出身擢知大宗正丞兼掌書學遷

尚書刑部員外郎

高麗圖經
徐兢行狀

紹興以來篆法惟信州徐兢

翰墨
志

徐明叔篆赤壁賦

才知之士滿天下而書學不得其傳許叔重稽諸通
人作說文解字猶未能無闕誤李少温中興篆籀而

所刊定尚多臆說信書學之難能也徐鼎臣楚金兄弟最有能稱一時如鄭仲賢郭恕先皆號善書皆自許氏非謂許氏果能盡字書之蘊蓋舍是則放而無據耳舊聞徐明叔善篆今觀其遺墨則說文解字之外自為一家雖其名競字見於印文者亦與篆法不同又有保大騎省世家之文保大為南唐年號騎省乃雍熙職秩亦所未喻姑識所疑以俟識者

鶴山題跋

徐琛

徐琛兢之弟以篆名家

書史會要

徐林

徐林字稚山中進士第隆興初為吏部侍郎以敷文

閣直學士致仕薦為給事中不起遷龍圖閣學士

姑蘇

志

徐林以篆名家

書史會要

劉岑

劉岑字季高吳興人遷居溧陽博學愛士有古君子

風登進士第累官戶部侍郎以徽猷閣待制致仕

江寧

志

劉岑草書縱逸而不拘盖有自得之趣

書史會要

跋劉季高與溧陽筆工顧綱帖

杼山老人筆精墨妙獨步斯世而顧綱之藝數見裛

稱東坡詩中李文政也

益公題跋

曾紆

曾紆字公衮號空青老人文肅公布子善詞翰以蔭

補官崇寧癸未坐黨籍貶零陵與黃魯直厚善紹興二年直顯謨閣

跋公衮帖

見蛇鬪而筆法進聞雞聲而遂能神東坡以謂寧有存法與神于胸中而能學書者乎予觀公衮行草既不用法亦不祈其神媿媿意盡則止耳

石門題跋

趙弁趙竒

趙弁字祖文弟竒字祖穎紹興中為監司字畫皆學

蘇文忠公

平園集

孫覲

孫覲字仲益晉陵人嘗題舉鴻慶宮故自號鴻慶居士五歲即為東坡所器登政和中進士第靖康中為詞臣歷吏戶長貳連守大邦紹興後斥居象郡歸隱

太湖二十餘年

平園集

往過震澤僧寺見孫尚書仲益手牘數條石刻大似大蘇公書因徘徊其下久之今見手牘數條與石刻

書法無二帖書中語及東坡先生其自守之正為人
之厚髣髴可見不獨尺牘之工書法之妙也首二帖

多戰筆似晚年書

靴翁家
藏集

康與之

康與之字伯可建炎中上中興十策及為臺郎專應

制為歌詞世以比柳耆卿

嘉興
志

伯可以文辭待詔金馬門學書於陳恬有書傳於世

書史
會要

畢良史

畢良史字少董紹興初居汴閉戶著春秋正辭論語

探古書宋哲夫李願良輩執經師之

楊萬里
誠齋集

良史能寫唐人小楷

書史
會要

良史喜字學得晉人筆法少遊京師以買賣古器字
畫出入貴人之門當時謂之畢償賣兵火後僑寓興
國軍江西漕將蔣燦喜其辨慧資給赴行在遂以古
器書畫動諸內侍內侍多喜之思陵方搜訪古玩恨

未有辨其真偽者得良史甚悅補文學權知東明縣
到縣搜求古器書畫復載以達行在上大喜改京秩

栖遲輦下人又號畢骨董

六研齋
二筆

陳之茂

陳之茂字卓卿張九成榜進士後以丞相洪公薦擢
吏部侍郎兼中書舍人直學士院為詩清勁書尤有

法

秦夔無
錫志

王利用

王利用字賓王潼川人官至夔憲書畫皆能光堯皇

帝頗愛其書

畫繼

徐蕨

徐蕨字子禮

林

由進士知饒州後改浙東提舉常平

知秀州蕨有學尤善漢隸

姑蘇志

熊方

熊方字廣居豐城人靖康貢上庠參澧州軍事雅善

書高宗內禪大書堯舜二字表進有旨付秘閣除本

路帥幕

廬廷選
南昌志

范端臣

范端臣蘭谿人紹興中進士官至中書舍人文詞典
雅尤工於詩篆楷草隸亦造其妙學者稱為蒙齋先

生

應廷育金
華先民傳

王速

王速字致君其先本宛丘人建炎時與父侯奔餘姚
舉進士累官監察御史擢右正言論事忤執政出知鄂

州終國子司業速自幼至老無一日去書文章法先

秦詩法三百篇字畫法鍾王

紹興志

嚴煥

嚴煥字子文登紹興十二年進士第歷官太常丞出

為福建市舶終朝散大夫文體整健書學尤精

常熟志

周武仲

周武仲字憲之建寧人第進士高宗時為龍圖閣學

士提舉江州太平觀留心翰墨得歐陽率更筆法

闕書

陸升之

陸升之字仲高山陰人詞翰俱妙

王明清玉照新志

曾慥

曾慥字端伯紹興間為尚書郎直寶文閣奉詞博學

能詩號至游居

泉州府志

蘇庠詩翰帖跋有溫陵曾慥書

鐵網珊瑚

林琰

林琰字稚圭乾道中舉進士善篆書

皇甫湜長洲志

陳登

陳登字元龍晉江人有文名字畫尤精與王十朋友

善

泉州府志

鄧增

鄧增字如川建昌人以父恩得官將仕郎工製小詩

善作大字

洪邁夷堅一志文集

王珉

王珉字中玉玉山人登進士第後為侍從善楷書作

夢山堂一時名流如呂東萊輩皆有題詠


莘黼廣
信府志

富元衡

富元衡字公權擢進士第隆興中除工部郎中效蘇

軾書能逼真尤善柳葉篆

姑蘇志



六藝之一錄卷三百四十七